

Sa isang patalastas (mensahe) na nanggaling sa Malakanyang tungkol sa pagdiriwang ng "Linggo ng Paglilinis," ay sinabi ng Kanyang Kamahalan, Pangulong Elpidio Quirino, na "ang kalinisan ay dapat maging bahagi ng ating buhay na ipakikilala sa gawa at ang pagiging malinis sa pamumuhay natin sa araw-araw, sa ating bahay, sa mga paggawaan at sa lahat ng pook, ay siyang unang hakbang upang paatilihin ang malakas at malusog na mamamayan na siyang kailangan upang maitatag ang isang malakas, malusog at matibay na Republika." Ang mga katagang ito ng ating Pangulo ay nagpapaliwanag ng kahulugan ng kalinisan sa atin, bilang mamamayan at sa buong bansa.

Ang kalinisan na ipinakikilala sa gawa ay siya ngang lalong mahalaga. Kung ang mga tao sa isang bahay ay malinis sa kailangang pamamahay at pag-uugali, ang bahay ng mga taong ito ay sapilitang magiging malinis din. At kung ang lahat ng mga pook ay tinitirahan ng mga taong may malilinis na paguugali, ang bansa na binubuo ng mga pook na yaon ay isang bansang malinis.

Ang kakulangan ng kalinisan sa isang pook ay hindi lamang dahil sa kakulangan sa paglilinis kung hindi lalong dahil sa masamang kaugalian ukol sa kalinisan ng mga naninirahan doon. Hanggang hindi naalis ang kinagawian



Sinulat ni M. C. Icasiano
Puno ng Sanidad, Lunsod ng Maynila

ng mga tao sa pagtatapon ng kanilang mga dumi o sukal sa paligid-ligid ng kanilang tahanan o sa loob ng bakuran ng kanyang kapit-bahay, o sa mga lansangan, ay hindi maaaring mapanatiling malinis ang mga lunsod o bayan, maglagay man ang Pamahalaan ng libu-libong tagapaglinis at tagahakot ng dumi. Ako'y maraml nang nakitang mga lunsod na hinahakot ang mga sukal at dumi ng makalawa lamang sa loob ng isang linggo nguni't yaon ay may higit na kalinisan kaysa Maynila na ang sukal ay hinahakot araw-araw. Ang pagkakaiba lamang ay ang kinagawian sa kalinisan ng mga naninirahan.

Sa pagdiriwang ngayon ng "Linggo ng Paglilinis" ay kailangang gawin natin ang lahat ng ating magagawa kung papaano

natin maitatanim sa puso at isipan ng ating mga mamamayan ang kahalagahan ng kalinisan at kung papaano maisasagawa ang napakahalagang bagay na ito. Ang kaugalian ng kalinisan ay madaling mapauunlad sa mga bata, nguni't maging sa mga matatanda ang kaugaliang ito ay mapauunlad din.

Ako'y nakakita sa ibang lupain ng mga batang nagaaral na isinisilid sa lukbutan ang mga balot na papel ng "candy", balat ng mani at iba pang mga dumi, sa halip na itapon sa lansangan, hanggang makasumpong sila ng basurahan upang doon itapon ang mga duming iniingatan sa kanilang lukbutan. Nakita ko ang mga Igorot sa Baguio na hindi ibig marumihan ang kanilang malilinis na lansangan, kaya't ang

kanilang mga dumi o sukal ay itinatapon sa mga basurahang itinalaga sa mga lansangan. Ang mga magiting at kaibig-ibig na paguugaling yaon ay maaaring itanim at paunlarin sa lahat ng tao sa lahat ng pook.

Ipinagdiriwang natin ang "Linggo ng Paglilinis" upang ang kalinisan ay maitanim sa ating isipan at damdamin. Pamalagiin natin sa ating kalooban at isipan hanggang maging bahagi ng ating pamumuhay sa araw-araw. Bayaan nating ang mga Ina ng Tahanan ay turuan ang kanilang mga anak na maging malinis sa kanilang pag-uugali magmula pa sa kanilang kamusmusan. Bayaan nating ang mga paaralan natin ay humanap ng mabuting paraan sa pagtuturo ng kalinisan sa gawa upang maitanim sa isipan at damdamin ng mga bata, na yaon ay bahagi ng kanilang buhay maging sa labas ng paaralan. Tayong matatanda na, ay kailangang higpitan ang ating sarili na magawa ang lahat ng paraan upang maiwasan ang pagtatapon ng dumi o sukal sa alin mang pook maliban sa mga basurahan o sa mga pook na itinalaga upang pagtapunan ng dumi. Dapat nating malaman na kung papaano namumuhay ang tao sa isang pook ay doon nababatay ang kalinisan o karumihan ng nasabing pook. Ang katotohanan na hindi natin maaaring pasubalian ay ang "Kalinisan" ay isang kailangan ng pamumuhay.



-TALES, ANO PA ANG KAILANGANG MAG-ARAL ANG IYONG MGA ANAK? ALAM MO BA ANG KASABIHAN NA MARUNONG MAN AT MANGMANG AY BUNGO RIN PAGNAMATAY?

AIBANGAN ANG NOBEILANG -- "PILOSOPHO TASYO!"

NI
DR. FAUSTO J. GALAURAN

KAKAIBANG-URI... PANGKASALUKUYAN... NAKATUTUWANG BASAHIN

ABANGAN ANG MAGAGANDANG KUWENTO AT NOBELANG KINULAYAN SA MANILA KLASIKS AT BULAKLAK KOMIKS!